

永樂大典本

水

經

注



北魏·酈道元

水經注

江蘇廣陵古籍刻印社

出版說明

《水經注》，北魏酈道元撰。是中國現存第一部以記水道爲主的綜合性地理巨著。著者以三國人所著《水經》過簡，地名變易過多，乃據實地考察，博引有關地理之作著成此書。該書詳述河道流經地區的山陵、陂澤、郡縣、城邑、關津、亭障、名勝、物產、農田、水利，以至史事、人物、故事、神話、歌謠、諺語、方言等。遇有記載異詞，則詳加考訂，附以按語。該書文筆清麗，篇中多有膾炙人口的小品，文學價值頗高。

《水經注》的版本頗多。我社現據《永樂大典》本影印出版。

江蘇廣陵古籍刻印社
一九九八年六月

水 經 注

江蘇廣陵古籍刻印社出版發行

(揚州市鳳凰橋街 24-6 號)

金壇市古籍精裝印務有限公司印制

開本：850 × 1168 1/32 印張：22.5

1998 年 7 月第一版 1998 年 7 月第一次印刷

印數：0001 - 1000 冊 定價：48.00 圓

SGBH 7 - 60101 - 293 - X / TB · 4

永樂大典
本水經注

續古逸叢書之四十三

上海涵芬樓景印
明永樂大典本卷
九至卷十五從高
陽李氏借印補完

永樂大典卷之一萬一千一百二十七

八賄

水經一

水經桑欽撰。鄒道元註。序曰。易稱天以一生水。故氣微於北方而為物之先也。玄中記曰。天下之多者水也。浮天載地。萬下無不至。萬物無不潤。及其氣流。扁石稍薄。膚寸不崇。朝而澤合。靈寓者神。莫與並矣。是以遠者不能測其淵冲。而盡其鴻深也。昔大禹記。著山海周而不備。地理志。其所錄簡而不周。尚書本記。與職方俱畧。都賦所述。載不宣意。水經雖祖綴津緒。又關傍通。所謂各言其志。而罕能備其宣導者矣。今尋圖訪蹟者。極聆川域之說。涉土遊方者。寡能達其津照。縱考前聞。不能不猶深汀營也。余少無尋山之趣。長還閭津之性。識絕深經。道淪要津。進無訪一知二之機。退無觀隅三反之慧。獨學無聞。古人傷其孤陋。捐長辭書。遠士嗟其面牆。默坐求深。問舟問遠。故亦難矣。然亮管闕天。厝篇日。同時昭。飲河酌海。從性斯卑。竊以多暇。空傾歲月。輒述水經。布廣前文。大傳曰。大川相間。小川相屬。東歸於海脉。其枝派之吐納。診其岔路之所經。訪遺搜渠。緝而

經之。經有謬誤者。考以附正。文所不載。非經水常源者。不在記注之限。但綿古芒昧。華戎伐襲。郭邑空頌。川流狀改。殊名異目。世乃不同。川渠隱顯。書圖自負。或亂流而攝說。或直絕而生道。稱狂渚交奇。洄流決覆。昔伏經終枝煩。條貫于夥。十二經通尚。或難言。輕派細漾。固難辯究。正可自獻。還見之心。備陳攀徒之說。其所不知。蓋闕如也。所以撰證三經。附其枝要者。庶備忘悞之矜。求其尋省之易。河水崑崙墟在西北。三成爲崑崙丘。崑崙說曰。崑崙之山三級。下曰樊桐。一名板桐。二曰玄圃。一名閭風。上曰層城。一名天廄。是謂太帝之居。去嵩高五萬里。地之中也。爲本紀與此同。高誘稱河出崑山。伏流地中萬三千里。萬導而通之。出積石山。按山海經。自崑崙至積石。一千七百四十里。自積石出。隴西郡。至洛準地志。可五千餘里。又據穆天子傳。天子自崑山入于宗周萬里。西土之數。自宗周纏水以西北至于河宗之邦。陽紆之山。三千有四百里。自陽紆西至河首四千里。合七千四百里。外國圖又云。從大晉國正西七萬里得崑崙之墟。諸仙居之。數說不同。道阻且長。遐記綿邈水陸路殊。徑復不同。淺見末聞。非所詳究。不能不聊述聞見。以誌差違也。其高萬一千里。山海經稱方八百里高萬仞。郭景純以爲自上二千五百餘里。淮南子稱高萬一千一百里一十四

步二尺六寸。河水春秋說題辭曰。河之為言衍也。衍猶分布像陰引度也。律名曰河。下也。隨地下處而通流也。考異鄭曰。河者。水之氣。四瀆之精也。所以流化元命。苞曰。五行始焉。萬物之所由生。元氣之膝液也。管子曰。水者。地之血氣。筋脉之通流者。故曰水其具財也。而水最為大。水有大小。有遠近。水出山而流入海者。命曰經水。引佐水入於大水及海者。命曰枝水。出於地溝派於大水及於海者。又命曰川水也。莊子曰。秋水時至。百川灌河。經流之大。孝經援神契曰。河者水之伯。上應天漢。新論曰。四瀆之源。河最高而長。從崑崙下水。派激凌。故其流急。徐幹齊都賦曰。川瀆則洪河洋洋。發原崑崙。北流分遊。北朝滄淵。驚波沛厲。望沐楊奔。風俗通曰。江淮河濟。為四瀆。瀆。通也。所以通中國。垢濁。白虎通曰。其德著大。故稱瀆。釋名四瀆。獨也。出其所而入海。出其東北隅。山海經曰。崑崙墟在西北。河水出其東北隅。爾雅曰。色白所渠。并千七百。一川色黃。物理論曰。河色黃者。衆川之流。蓋濁之也。百里一小曲。千里一曲一直矣。漢大司馬張仲議曰。河水濁清登。一石水六斗泥。而民競引河溉田。今河不通利。至三月桃花水至。則河決。以其壅不洩也。黎民勿復引河。是黃河無濁河之名矣。述征記曰。盟津河。津恒濁。方江為狹。比淮濟為闊。寒則水厚數丈。水始合車馬不敢過。要須孤行云。此物善曉水下無水乃通。人見孤行方渡。余按風俗通云。

星詒稱孤欲渡河。無如尼何。且孤性多疑。故俗有狐疑之說。亦未必一如緣
 生之言也。屈從其東南流入渤海。山海經曰。南即從極之淵也。一曰中極之
 淵。深三百仞。唯馮夷都焉。括地圖曰。馮夷恒乘雲車。駕二龍。河水又出於陽
 紆陵門之山。而注於馮逸之山。穆天子傳曰。天子西征至陽紆之山。河伯馮
 夷之所居地也。是惟河宗氏。天子乃沈珪璧禮焉。河伯乃與天子披圖視典。
 以觀天子之寶器。王果璿珠燭銀金粟等物。皆河圖所載。河伯以禮穆王。視
 國方乃導以西邁天。粵在伏羲受龍馬圖於河。八卦是也。故命歷序曰。河圖
 帝王之階。圖載江河小川州界之分野。後堯壇於河。受龍圖作極河記。逮虞
 舜夏商咸亦受焉。孝尤盟津路。洋洋河水。劉宗於海。徑自中州。龍圖所存。淮
 南子曰。昔禹治洪水。具禱陽紆。蓋於此也。高誘以為陽紆秦蘇非也。釋氏西
 域志曰。阿耨達太山其上。有大淵水宮殿。樓觀甚大焉。山即崑崙山也。穆天
 子傳曰。天子升崑崙封隆之脊。封隆。雷公也。雷電龍。即阿耨達宮也。其山出
 六丈水。山西有大水。名斯頭河。耶義恭廣志曰。甘水也。在西域之東。名曰新
 陶水。山在天竺國西。水甘故曰甘水。有石鹽白如水精。大段則破而用之。
 康泰曰。安息月支天竺至加那調御。皆仰此鹽。釋法顯曰。度葱嶺已入北天
 竺境。於此順嶺西南行十五日。其道艱阻。崖險岸絕。其山唯石壁立千仞。臨之

目眩。欲進則投足無所下。有水名新頭河。昔人有鑿石通路。旆倚梯者。凡渡
七百梯。已彌懸。經過河。河兩岸相去咸八十步。九評所絕。漢之張騫甘
英皆不至也。余診諸史傳。即所謂蜀嶺之境。有盤石之磴。道狹尺餘。行者
騎步相持。經橋相引二十許里。方倒懸渡。阻險危害。不可勝言。郭義恭曰。
鳥北之西。有懸渡之國。山溪不通。引繩而渡。故國得其名也。其人山居。但
於石壁間。累石為室。民援手而飲。所謂援飲也。有白羊。小步馬。有驢無牛。
是其懸渡乎。釋法顯又言。渡河便到烏長國。烏長國。即是北天竺佛所到
國也。佛遺跡於此。其跡長短在人心。念至今猶爾。及曜夜石尚在新頭河。
又西南派岳而東南派連中天竺國兩岸平地。有國名毗荼。佛法興盛。有
逕滿那。般河邊。左右有二十道。如並此水。逕流逕歷頭羅國而下。合新頭河。
自河已西。天竺諸國。自是以南皆為中國。人民殷富。中國者。服食與中
國同。故名之為國也。泥洹已來。聖衆所行。威儀法則。相承不絕。自新頭河
至南天竺國。迄於南海。四萬里也。釋氏西域記曰。新頭河經蜀嶺。捷越摩
阿剌諸國。而入南海是也。阿耨達山西南。有水名逕奴。山西南小東。有水
名薩罕。小東有水名恒伽。此三水同出一山。俱入恒水。康泰扶南傳曰。恒
水之源。乃經西北。出崑崙山中。有五大源。諸水分流皆由此五大源。枝尾

黎大江。出山西。北流東南注大海。枝危黎。即恒水也。故釋氏西域志。有恒曲之目。恒北有四國。最西頭恒曲中者。是也。有拘夷那羯國。法顯傳曰。恒水東南流。逕拘夷那羯國南城。北雙林間。有希達禪河。逕世尊於此。北首般泥涅分舍利處。支僧載外國事曰。佛泥涅後。天人以新白繖裹佛。以香花供養。滿七日。藏以金棺。送出王宮。渡一小水。水名醯蘭那。去王宮可三里許。在宮北。以旃木為新。天人各以火燒新。薪了不燃。大迦葉從流沙還。不勝悲號。感動天地。從是之後。佗新不燒而自燃也。王歛舍利。用金作斗量。得八斛四斗。諸國王天龍神王各得少許。齋還本國。以造佛寺。阿育王起浮圖於佛泥涅處。雙樹及塔。今無復有也。此樹名娑羅樹。其樹華名娑羅法也。北華色白如霜雪。香無比也。竺法蘭記曰。林楊國去金陵國步道二千里。車馬行無水道。舉國事佛。有一道人。命過曉昇。曉之數千界。然故坐火中。乃裹著石室中。從來六十餘年。尸如故不朽。竺法目見之。泰金剛常住。是明永存舍利。利見平天不朽。所謂智空罔窮。大覺難測者矣。其水亂流於恒。恒水又東。逕毗舍利城北。釋氏西域志曰。毗舍利離那離國也。支僧載外國事曰。離那離國。去王舍城九千。由旬。城周圍三由旬。離那離國在大城東宮之南。去宮七里許。屋宇塚盡。惟見處所爾。釋法顯云。城北有大林重閣。佛在於此。本卷

婆羅女家。魏佛起塔也。城之西北三里。塔名放弓。伏恒水下流。有一國王。小夫人。生肉胎。大夫人妬之。言汝之生不祥之徵。即藏以木函。擲恒水中。下流。有國王遊觀。見水上木函。開看。見小兒端正殊好。王取養之。遂長大。甚勇健。所往征伐。無不摧服。次欲伐父王。本國王大憂愁。小夫人聞何故憂愁。王曰。彼國王有千子。勇健無比。欲來伐吾國。是以愁爾。小夫人言勿愁。但於城西作高樓。賊來時上我置樓上。則我能卻之。王如是言。賊到。小夫人於樓上語賊云。汝是我子。何故反作逆事。賊曰。汝是何人。云是我母。小夫人曰。汝等若不信者。盡張口仰向。小夫人即兩手將乳。乳作五百道。俱墜于子口中。賊知是母。即放弓仗。父母作是思惟。皆得辟支佛。今一一塔猶存。後尊成道。告諸弟子。是吾昔時放弓仗處。後人得知於此。廢立塔。故以名焉。言小千兒者。即賢劫千佛也。釋氏西域志曰。恒曲中次東有申迦扇奈揭城也。佛下三寶階園也。法顯傳曰。恒水東南流。逕僧迦施園南。佛自切利天東下三寶階。為母說法處。寶階既沒。阿育王於寶階處作塔。後作石柱。柱上作師子像。外道少信。師子為吼。怖鼓心誠。恒水又東。逕剎賓繞夷城南。南接恒水城之西北六七里。恒水北岸。佛為諸子說法處。恒水又東南逕祇園北。出涉祇城。南門道末。佛嚼楊刺土中生。長七

尺。不增不減。今猶尚在。恒水又東南逕迦維羅衛城北。故曰淨王宮也。城東五十里。有王國。國有池水。夫人入池洗浴。出北岸二十步。東向舉手板樹生太子。隨地行七步。二龍吐水浴太子。遂成井池。衣僧所汲養也。太子與難陀等撲象角力射箭入地。今有泉水。行旅所資飲也。釋氏西域北三里。恒水上父王迎佛處作浮圖。作父抱佛像。外國事曰。迦維羅越國。今無復王也。城池荒穢。惟有空處。有優婆塞姓釋。可二十餘家。是昔淨王之苗裔。故為四姓。住在故城中。為優婆塞。故尚精進。猶有古風。彼日浮圖壞盡。條王偏累脩治一浮圖。私訶條王送物助成。今有十二道人住中。太子始生時。妙后所扶樹。樹名須訶。育王以青石作后像。拔生太子像。昔樹無復有。後諸沙門取昔樹栽種之。展轉相承到今。樹枝如昔。尚蔭石像。又太子見行七步足跡。今日文理見存。阿育王以青石揜足跡。兩邊復以一長青石覆上。國人今日恒以香花供養。尚見足七形。文理分明。今雖有石覆無異。或人復以數重石貝重覆。帖著石上。逾更明也。太子生時。以龍王夾太子左右吐水浴太子。見一龍吐水暖。一龍吐水冷。遂成二池。今尚一冷一暖矣。太子未出家前十日。出住王田間浮樹下坐。樹神以七寶奉太子。太子不受。於是思惟欲出家也。王田去宮一據據左。一據據右。晉言十里也。太子以三

月十五日夜出家。四天王來迎各捧馬足。爾時諸神天人側塞空中散天香華。此時以至河南摩強水。即於此水邊作沙門。河南摩強水。在迦維羅越北相去十由旬。此水在羅閱祇瓶沙國。相去三十由旬。菩薩於是雙過瓶沙。王出見菩薩。菩薩於瓶沙隨樓那果園中住一日。日暮便去。半遠鉢愁宿半遠音言白也。鉢愁音言山也。白山此去瓶沙國十里。明旦便去。暮宿曇蘭山。去白山六由旬。於是遙詣貝多樹。貝多樹祇北去曇蘭山二十里。太子年二十九出家。三十五得道。此言與經異。故記所不同。竺法維曰。迦衛國。佛所生天竺國也。三十日月萬二千天地之中央也。摩秦扶南傳曰。昔范瓶時有摩揚國人家。翔梨。嘗從其本國到天竺。展轉派質至扶南。為瓶說天竺土俗。道法流通。金寶委積。山川饒沃。悉所欲。左右大國。世尊重之。稱閼之。今去何時可到。數年可也。梨言天竺去北可三萬餘里。往還可三年。踰。及行四年方返。以為天竺之中也。恒水又東。逕藍莫塔。遙有池。池中龍守護之。阿育王欲破塔作八萬四千塔。憐龍王所供。知非世。遂空萊無人。群象以鼻取水洒地。若倉捨會稽象耕鳥耘矣。恒水又東西五河口。蓋五水所會。非所詳矣。阿難從摩竭國向毗舍離。欲般泥洹天。告阿闍世王。王追至河上。毗舍離諸梨車聞阿難來。亦復來迎。俱到河上。阿難思

惟前則阿闍世王欽恨。卻則梨居復怨。即於中河入火光三昧。燒具兩艘。泥洹身二分。分各在一岸。二王各持半舍利還。起二塔渡河南下。一由巡到摩竭提國邑連佛邑。即是阿育王所治之城。城中宮殿皆起。牆闕彫文刻鏤。累大石作山。山下作石室。長三文。廣二丈。高丈餘。有大乘婆羅門子。名羅狀私婆。亦名文殊師利。住在城裏。英悟多智。事無不達。以自居國。王宗敬師事之。賴此一人弘宣佛法。外不能陵。凡諸中國。惟此城為大。民人富盛。競行仁義。阿育王壞七塔作八萬四千塔。最初作大塔在城南二里餘。此塔前有佛跡。起精舍北戶向塔。南有石柱。大四五圓。高三丈餘。上有銘題云。阿育王以閻浮提布拖四方僧。還以錢贖塔北三百步。阿王於此作泥梨城。梨城中有石柱。亦高三丈餘。上有師子柱。有銘記曰。作泥梨城因緣及年數日月。恒水東又南還小孤石山頭有石室。石室南向。佛昔坐中天。帝釋以四十二事問佛。佛以三指畫跡故在。洹水又西還王舍新城。是阿闍世王造。出城南四里入谷至五山裏。五山周圍狀若城郭。即是洹沙王舊城也。東西五六里。南北七八里。阿闍世王始欲害佛處。其城空莽又無人。徑入谷傳山東南上十五里到耆闍崛山。未至頂三里。有石窟南向。佛坐禪處。西北四十步復有一石窟。阿難坐禪處。天魔波旬化作鵬

驚恐阿難佛以神力隔石摩阿難肩。怖心烏跡及孔悉存。故曰。鵬驚窟也。其山峯秀端嚴。是五山之最。高也。釋氏西域記云。耆闍崛山。在阿耨達王舍城東北。四望其山。有兩峰雙立。相去二三里。中道驚鳥常居其巔。土人號曰。耆闍崛山。山名聞者驚也。又竺法維云。胡語羅閱祇國。有靈鷲山。胡語云。耆闍崛山。山是青石。石頭似驚鳥。阿育王使人鑿石。假安兩翼兩脚。鑿治其身。今見存。遠望似驚鳥形。故曰。靈鷲山也。數說不同。遠邇亦異。今以法顯親宿其山。首楞亭。香花供養。聞見之宗也。又西還迦那城。南三十里到佛。苦行六年。其樹處有林。西三里到佛。入水洗浴。天王授樹栴。得板出池處。又北行二里。得獨家女奉佛乳糜處。從此行二里。佛於一大樹下。石上東向坐食糜處。樹石悉在。廣長六尺。高減二尺。國中寒暑均調。樹木或數千歲。乃至萬歲。從此東北行二十里。到一石窟。菩薩入中。西向結跏坐。心念若我成道。當有神驗。石壁上。即有佛影現。長三尺。今猶明亮。將天。地大動。諸天在空中。言此非過去當來諸佛成道處。去此西南行減半。由旬貝多樹下。是過去當來諸佛成道處。諸天尊引菩薩起行。離樹三十步。天授吉祥草。菩薩受之。復行十五步。五百青雀飛來。繞菩薩三匝西去。菩薩前到貝多樹下。教吉祥草。束向西坐。時魔遣三玉女。從北來。試菩薩魔手自

從南來。菩薩以足指按地。魔兵卻散。三女變為老嫗。不自服。佛於拘律樹下。方石上。東向坐。梵天來諸佛處。四天王奉鉢處。皆立塔。外國事曰。毗婆梨佛在此一樹下六年。長者女以金鉢盛乳。奉上佛。佛得乳。摩。住尼連河浴。浴竟於邊嗽。摩。竟擲鉢水中。逆流百步。鉢沒河中。迦梨邪龍王。接取在宮供養。先三佛鉢。亦是佛於河傍坐。摩訶菩提樹。摩訶菩提樹。去貝多樹二里。於此樹下七日。思惟道成。魔兵試佛。釋氏西域記曰。尼連水南流。恒水。水西有佛樹。佛於此苦行。日食糜六斗。西去城五里許。樹東河上。即佛入水浴處。東上岸。尼衛立樹下坐。脩舍女上摩於此。於是西渡水於六年。樹南貝多樹下坐。降魔得佛也。佛國調曰。佛樹中枯。其來時更生枝葉。三法維曰。六年樹去佛樹五里。書其異也。法顯從此東南行還。已達佛邑。順怕水西下。得一精舍。名曠野佛所住處。後順恒水西下到尸迦國。波羅奈城。法維曰。波羅奈國。在迦維羅衛國南。十二百里。中間有恒水。東南流。佛轉法輪處。在國北二十里。樹名春浮。維摩所處也。法顯曰。城之東北十里許。即鹿野苑。本辟支佛住此。常有野鹿。故以名焉。法顯從此遷居達邑。又順恒水東。東行其南岸。有瞻婆大國。釋氏西域記曰。恒曲次東。有瞻婆國城。南有卜伽下蘭池。池水恒在此。佛不說戒處也。恒水又還波麗國。即是佛外祖國也。法顯曰。恒水